

希臘興亡史

日本宮川鎮次郎著

寒山片石子譯

第一編 總說

吾人居於今日。歷覽古今之大勢。國於宇宙之間者。何可勝數。方盛而忽衰。此興而彼亡。方其盛也。人物偉大。事業顯赫。有獨立千古之概。及其衰也。文物沈埋。風雲慘淡。僅存歷史之故實。流傳於世。使後人讀之。感歎低徊。而不能自己者。可勝道哉。然而國別雖多。其事蹟之最彪炳於後世者。則莫希臘若也。其在今日。希臘之國旗。雖復翻揚於地中海表。其實貧弱無足道。顧其在。上世。則嘗釀歐美之文化。爲近代之前驅。希臘者。政治生活之始也。文學社會之原也。吾人於其歷史。可不特爲注目耶。

第一章 地勢

希臘之位置。在歐羅巴之東南。北界土耳其。東隣多島海。古稱愛卡姆門
阿又稱受加海及小亞細亞。西南面地中海。其氣候溫暖。風色明媚。土地豐饒。富產橄欖。無花果。穀實。諸品。上古時。其都府

之大廈玲瓏。樓閣充滿。寺院堂殿。宏麗驚人。至於今日。則惟觀零落之殘墟而已。然尚有遠優於近代之建築者。足徵其古代美術之精妙。世界罕有其匹也。

全國多山。尤綿延於比羅奔尼蘇一帶。河流雖多。然皆狹小。夏則苦涸。頗不便於交通。溯其國之分裂。亦地勢使之然也。又三面濱海。島嶼環列。人民夙諳舟楫之利。與近海人民交通。且多深林大澤。熊羆豺狼棲息其中。故以好遊獵。爲其民族之天性焉。

希臘之地。分爲三部。一爲北部希臘。莫利森灣。及阿姆卜拉加灣屬之。二爲中央希臘。自北部希臘至可林士灣。三爲比羅奔尼蘇半島。以可林士地頸與北部連接。當其盛時。國

內小邦之割據者。凡十有七。齊武

喬譯作德勃

在中央博廈州。雅典在中央雅底加州。斯

巴達在南部拉各尼亞州。

一作賴誇尼亞雅底加一作阿的加博廈一作倍隆却

雖然。土地國別。分裂如此。能保其不

自相仇敵乎。蓋希臘民族。皆「核達」之子孫。其種類一也。言語一也。宗教一也。故能使各邦之人。常輔睦若兄弟焉。

希臘有四大祭儀。一爲奧林比亞。二爲比西安。三爲伊斯米安。四爲尼希宣。全國人民。雲集輻湊。皆行一致之祭儀者也。故其國之歷表。基於奧林比亞每四年之祭儀云。第一期

爲紀元前七百七十六年。即希臘歷史之紀元也。

第二章 人種及性質

『伯拉斯格』者。希臘元始之民族也。此人種散布於非嶼二洲。及尼幽悉來諸島。與其土著之野蠻種族有異。彼等知開墾之法。諸牧畜之理。兼能以商業交通隣國。其建築之術。甚爲堅固。今日尙存之遺址。如衰古列布之古城。相傳爲『伯拉斯格』巨人種族之工作。蓋以如斯之巨石。決非尋常人力所能築造也。

居希臘之第二人種。曰『開侖尼斯』。曾以人種之名。而名其全國爲開拉士。希臘者。其後羅馬人之所稱也。今日希臘之區域。相傳悉爲開拉士之所拓。其始『開侖尼斯』來自西方。與『伯拉斯格』共生活。次第混淆。至領有希臘全土。當時全國雖悉用同一之語言。而『伯拉斯格』不肯受一君之統治。遂分爲多數小邦。各戴君主。或謂此時埃及及亞細亞多殖民於此。當時事蹟。茫昧難稽。然希臘由『腓尼基』人輸入『阿哈卑多』之文字。固確有可信者。是實足證明『開侖尼斯』人與『腓尼基』人商業交通之盛也。『開侖尼斯』人種有四族。曰多廉族。Dorian。曰埃阿尼安族。Ionian。曰渥奇安族。Achaean。曰阿果里安族。

Aeolian

希臘人工於製造。凡自外國傳來者。經其改良。無不青出於藍。富於完美之思想。及確當之判斷力。政治文學技術。莫不先他族而發達。其國語音調圓滑。實他族所未見。希臘人有此微妙之語言。故其人民教育普及。因而密究學理。養成高尚之理想。遂以大開其文化。夫希臘之氣候溫和。山水明媚。宜其人之脆弱也。而希臘人感應於外勢。知所以發育其強健之體力。養成其雄武之精神。以輔其溫雅之風采。充其靈活之腦筋。由是播文化之種。舉凡政治、文學、美術。一大顯發於社會生活之上。雖然。其性質雖有可重。其道德猶不可謂無缺。概言之。如薄信義之心。乏堅忍之力是也。蓋彼有所長。此有所短。人之所不免也。實足以答希臘人哉。

第二編 希臘之太古

希臘太古之歷史。無足徵信之事蹟。其流傳於詩歌小說。亦多不足憑。如和美耳所作之「伊禮亞多亞」與底曉思「二史詩」。乃其中之最有名者。其所言多英雄之武。勳故稱此時